

أسرار اسم الله الحسيب " 5 " | الحلقة (50) | #أسرار_حسبي_الله_ونعم_الوكيل | د . حازم شومان

حازم شومان

السلام عليكم ورحمة الله وبركاته. اخواني واخواتي في الله لا نزال في ظلال اسم الله الحسيب. يا جماعة كل اسم من اسماء ربنا الكون كله قائم عليه. كل اسم من اسماء ربنا لو كان غاب كان الكون كله يضيع. من غير اسم الله الرزاق كان الكون كله مات من الجوع. من غير اسم الله المقيت كان الكون كله - 00:00:00

كله اتشال فاكرين لما اوروبا اتشلت في ثلاثة وسبعين لما الخليج منع عنها البترول المقيت اللي بيدي القوت اللي بيدي الطاقة من غير اسم الله القيوم الكون كله ينهار. لانه هو اللي مقوم كل حاجة في الكون من غير اسم الله المهيمن. الكون كله يدخل في بعضه ويبقى فوضى مذهلة. كل - 00:00:20

ببعض وكل الاجسام السودا تبتلع جميع الكواكب والاجرام السماوية. من غير من غير اسم الله الحسيب. كان يحصل ايه؟ اسم الله الحسيب سيب ده من غيره الكون كله كان يهلك يا جماعة. هتعرفوا الوقتي ان الكلمة دي بدون اي مبالغة الكلام ده كلام علمي مليار في المية. من غير اسم الله الحسيب كان الكون - 00:00:40

كله يهلك. كان الكون كله يضيع ما فيش شيء في الكون لا يوجد فيه اثر من اثار اسم الله الحسيب. لا يوجد زرة في جسمك لا يوجد فيها اسر من اسار اسم الله الحسيب. لا يوجد خلية واحدة في مخك في قلبك في كبك في كلتك لا يوجد فيها اثر من اسار اسم الله الحسيب. لا يوجد - 00:01:00

مستوى هرمون في جسمك ولا منسوب ضغط الدم ولا نسبة النبض ولا نسبة السكر ولا نسبة الانزيمات الا وفيها اسر من اسار اسم الله والا الكون ده كله كان يتدمر عشان كده اسم الله الحسيب اسم بيلطم الالحاد والملحدين لطمة لا قيام لهم بعدها. اسم بيدمر الالحاد - 00:01:20

بينسف الالحاد تماما. العلماء الفيزيا دلوقتى بعد ما اكتشفوا قد ايه الكون محسوب بالسانية. قد ايه كل شيء في الكون محسوبة بالسانية. قد ايه معادلات الكونية او الفيزيائية والكيميائية محسوبة بادق النسب الملحدين في ورطة مزهلة. وقاعدين يدوروا على اي كلام جنوني زي فكرة تعدد - 00:01:40

اخوان كده عشان يهربوا بها من فكرة هو الكون ده اتحسب كده ازاى؟ هو الكون ده اتعمل ازاى؟ ده اقل حاجة بس ما كانتش كانت تخرج عن الحسابات - 00:02:00

كان الكون ده كله يهلك بما فيها وده معنى قول الله سبحانه وتعالى الشمس والقمر بحسبان ابن تيمية شوفوا من كم سنة شوفوا من القرن السابع لحد دلوقتى بيقول اي بحساب دقيق. كل حاجة في الكون محسوبة بالسانية. محسوبة بالفيتمتو سانية. بالفيتمتو سانية محسوبة بالجزء - 00:02:10

في سانية والا الكون ده كله كان يضيع ويهلك. فاسم الله الحسيب لولاه لهلك الكون. كل شيء في جسمك محسوب. محسوب سانية وبالذقة كل شيء في الكون محسوب بالسانية وبالذقة. فاكرين يا جماعة الصاروخ تشالنجر اللي اتحرق بعد سبعتاشر سانية بعد ما امريكا جننت العالم - 00:02:30

طب كله تشالنجر اتحرق قدام العالم كله. وقدام الكاميرات وبقي رماد هو ورواد الفضاء اللي فيه. ليه؟ عشان معادلة بس صغنة من

معادلات الصاروخ يعني ما اتحسبتش بالفيمتو سانية الصراخ كله اتحرق. اومال الفضائح كله ماشي ازاي؟ لما الصاروخ ده ولع عشان بس حاجة صغيرة كده ما اتحسبتش. اومال - 00:02:50

الفضاء ده امال الفضاء ده كله ماشي ازاي والكون والمية وستين مليار سنة ضوئية. كل دول ماشيين ازاي الا بحسابات مذهلة وفوق المذهلة فهو اسم بيلطم الالحاد. طب تعالوا نتكلم كده يعني ايه الشمس والقمر بحسبان. تعالوا نتكلم الاول على مستوى الزرة. قبل ما نتكلم على مستوى المجرة. قبل ما نتكلم على الشمس يا جماعة - 00:03:10

قبل ما نتكلم عن القمر قبل ما نتكلم على الحسابات في كل حاجة حوالينا الزرع الالكترون. الالكترون بيدور حوالين النواة بسرعة الف كيلو في سانية الف كيلو في الثانية محسوبة. بيدور مليار لفة في السانية الواحدة. تخيل لو ده التسبيح بتاعه. ده كائن بيسبح مليار مرة في الثانية الواحدة - 00:03:30

النواة محسوبة لو كانت اقل من كده زرة كان الالكترونات مشت وسابت المدارات بتاعتها. سبع مدارات للالكترونات حوالين النواة. كل الكترون عارف ما يخرجش عنه الا بحسابات دقيقة جدا. عدد الالكترونات لازم يكون نفس عدد البروتونات والا الزرة تنهار. عشان الشحنة - 00:03:50

الزرة تتعادل الزرة لو انهارت تنهار المجرة وينهار الكون كله وينهار السما وينهار الافلاك وكل ما فيها الشمس والقمر بحسبان كل حاجة حساب دقيقة. الشمس بعد الشمس. لو الشمس كانت ابعد من كده كنا تلجنا. اقرب من كده كنا غلينا. الشمس ثلاث طبقات - 00:04:10

شعاع الشمس بيخرج من المفاعل النووي اللي في قلب الشمس بيدخل في الطبقة اللي في النص. عارفين بيحدد قده ايه في الطبقة اللي في النص؟ اما يوصل لطرف الشمس ميت الف سنة. يعني شعاع الشمس اللي على ايدك الوقتي ده طلع من الشمس من ميت الف سنة. مين اللي مرتبها لك؟ مين اللي حاسبها لك؟ القمر لو - 00:04:28

اقرب او ابعد كان المد والجزر. اهلكوا الكرة الارضية كلها لان القمر بيتحكم في البحر. بيتحكم في المد والجزر. نسبة الاكسجين لو كانت اكثر من كده كان اقل كبريت يولع الدنيا ولو اقل من كده كنا نتخانق ونموت. سمك القشرة الارضية لو اكثر من كده كان ساني اكسيد الكربون اللي في الجو كله ضاع وكنا هلكنا - 00:04:48

سمك الغلاف الجوي محسوب بالزبط. كل حاجة محسوبة. بعد القمر حجمه الشمس الافلاك. حجم الكرة الارضية وكان اكبر او اصغر نسبة المية على وجه الارض ونسمة الماية المالحة بالنسبة للمية العذبة والا كنا هلكنا وكنا ضعنا نسبة الملح في مياه البحار - 00:05:08

والا كانت المية تعفنت واسنت وما لقناش ماية. نسبة درجة غليان الماية ودرجة تجمد المية. تخيلوا لو لو الجليد اللي في القطب الشمالي والجنوبي كان بيسيح بدرجة حرارة اقل. كانت الدنيا كلها ساحت مع اقل حر وكانت الكرة الارضية كلها غرقت. وده اللي رعب العلماء - 00:05:28

دلوقت ان درجة حرارة الارض ترتفع عن كده القطبين يسبحوا. الارض كلها تغرق. الشمس والقمر بحسبان من الكتب اللي مسلت صفقة قوية جدا على وجه الالحاد كتاب اسمه جاست سكس نمبرز. فقط ستة ارقام. الكتاب ده الكتاب ده عندي. الكتاب ده لعالم من علماء الفيزيا المشاهير في العالم - 00:05:48

بيقول ان فيه ست ارقام لو كان اي رقم منهم اختلف جزء من المليار. كانت الكرة الارضية مستحيل يبقى عليها حياة. ولا كان يبقى فيه سما ولا مجرة بامانة ولا نجوم ولا شمس ولا كرة ارضية ولا ميه ولا مخلوق يعرف يعيش على وجه الارض بيقول فيه ست ارقام. مستحيل الرقم الاولاني - 00:06:08

نسبة القوة الكهرومغناطيسية للقوى الجاذبية الكونية وكلام معقد يا جماعة بس انا عايزك تنبهر انا عايزك تعرف يعني ايه اسم الله الحسيب انا عايزك تعرف يعني ايه اني من اسم الله الحسيب كان الكون هلك فعلا. انا عايزك تعرفي ان فيه كلام كبير اوي اوي اوي. انا مضطر اقول كلام. المتخصصين بس او اللي بيجبوا القراية اوي هم اللي ممكن - 00:06:28

انما يا اخوانا العلماء مذهولين في العالم حتى طلوعوا نظرية اسمها نزرية الاوتار الفائقة. يعني ايه الاوتار الفائقة؟ يعني ان العالم ده عامل زي سيمفونية كده محسوبة كل لحن فيها محسوب مين اللي حسبها؟ مين اللي زبطها؟ قال لك الرقم الاول نسبة القوة الكهرومغناطيسية لقوى الجاذبية الكونية - [00:06:48](#)

دي لو كانت اختلت اي خلل ما كانش يبقى فيه حياة. الرقم الثاني نسبة القوة الجاذبية المضادة الكونية. المضادة الرقم الثالث سرعة تمدد الكون وانا لموسعون اللي ربنا قالها من الف وربعميت سنة وهبل خد جايزة نوبل فيها وانا لموسعون سرعة تمدد الكون. الرقم - [00:07:08](#)

رابع نسبة تحول الهيدروجين لهليم في اول سواني في عمر الكون. في لحزة ولادة الكون. ازاى النسبة اتحولت ولو كانت زادت كان حصل ايه في الكون؟ ولو كان قال لك كان حصل ايه في الكون؟ الرقم الخامس نسبة كثافة الطاقة او عدم - [00:07:28](#)
انتظام كثافة الطاقة كلام صعب بقى انا مش عايز اكمل. عدم انتظام كثافة الطاقة في اللحزات الاولى في ولادة الكون. انا مش قصدي يا جماعة ان انا اجيب لكم معلومات علمية - [00:07:48](#)

انا عايز اقول لكم ان الموضوع كبير. ان اسم الله الحسيب ده اسم بيتحكم في الكون قد ايه؟ ان اسم الله الحسيب ده ربنا حسبها بالسانية في الكون قد ايه. عشان كده اسم الله الحسيب بيحب - [00:07:58](#)
في وجود الله. اسم الله الحسيب بيحب ثقة في رحمته وحنانه الشمس والقمر بحسبان. انا لما بخرج مع ابني بلبسه هدوم على قد الجو بالزبط. لا كده اتحرروا ولا خفيفة تبردوا. مين اللي حسبها لك كده عشان تعيش متدفي ومبسوط وفرحان والهوا جميل ولطيف. والطقس بالمنزر ده - [00:08:08](#)

مين اللي حسبها لك؟ الحسيب شفت الاسم ده جميل ازاى كل حاجة في جسمك محسوبة بالسانية لما كنا بندرس الاندوكرين في كلية طب علم الغدد الصماء كانت حاجة تطير العقل يا جماعة. الهرمون - [00:08:28](#)

بيبقى نسبته في الدم واحد على مليون في المليجرام. واحد على مليون في المليجرام يقول لك لو زاد لو زاد بالميكرو. لو قل بالنانو الجسم كله يتدمر. دمار يعني نسبة الانزيمات. نسبة الهرمونات نسبة الفيتامينات. نسبة المواد اللي بتكون جسمك - [00:08:43](#)
ده نسب محسوبة بكل دقة ضغط الدم الاوزان. يحصل ايه؟ ربنا يحفظنا يا رب. يعني احنا بنشوف في الاستقبال وحد وحصل نزيف في المخ طبطة لو قال انتم عارفين يعني اكبر يعني اسباب الموت في الدنيا كاسباب دنيوية بيبقى منها ايه؟ نسبة ضغط الدم لو قل السكر لو زاد السكر لو قل - [00:09:03](#)

كل حاجة في جسمك محسوبة بالسانية. محسوبة بالميكرو وبالنانو. كل حاجة في جسمك. انت مخك فيه ميت مليار خلية عصبية. لو اتفردوا يوصلوا من الارض للقمر عدد نجوم مجرة التبانة محسوبة. محسوبة بالعدد. الاتصالات اللي ما بين الميت مليار خلية ميت تريليون - [00:09:23](#)

اتصال في السانية الواحدة. يعني اكثر من عدد الاتصالات اللي موجودة على وجه الارض وانت جنين في بطن والدتك كان ربنا بيزود مخك كل دقيقة متين اتنين وخمسين الف خلية عصبية. كل دقيقة طول ما انت جنين. كل حاجة مخ الرجل ومخ المرأة محسوبة. الحسيب حسبها. مخ الرجل اقل من مخ المرأة بمية - [00:09:43](#)

خمسين جرام. كل حاجة انا مش عايز اتكلم في التفاصيل. طب تعال ندخل في حنة تانية غير المخ لان المخ يتوه اصلا. ندخل في العين عدد وزن عضلات العين اللي في عينك - [00:10:03](#)

تمانية جرام محسوبة. التمانية جرام دول حدقت العين بتفتح وتقفل في اليوم ميت الف مرة. ميت الف مرة. الجفن بيتقفل ويرمش سبعتاشر مرة في الدقيقة يعني خمسة مليون مرة في السنة. يعني عينك بتتغسل زي ما السحابة العربية لما بتغسل الازار القداماني. خمسة مليون مرة كل سنة - [00:10:13](#)

سبعتاشر مرة في الدقيقة وزن الغدة النخامية في مخك نص جرام. بتطلع ستاشر هرمون محسوبين. لو بقوا خمستاشر تدمر. لو بقوا لو بقوا اربعتاشر حياتك تتدمر. ربنا نسأل الله اليقين والعافية. ستاشر هرمون بيطلعوا من نص جرام - [00:10:33](#)

هي قاعدة في السلة ترس كده اللي هو الكرسي التركي. يعني كانها باشا يعني الغدة النخامية دي الباشا بتاعة الجسم. نص جرام العضم افتحى ودنك وزنه نص جرام التلات عضمات. بتوع الازن الوسطى. النص جرام دول له من انت كنت تفقدي اي تفاعل مع الحياة وما تسمعيش حاجة اصلا. ولا تقدر انك - [00:10:53](#)

تسمع مين اللي زبطها لك؟ مين اللي عمل لك الموضوع بالدقة دي ؟ عضلات عينك بتبزل مجهود ما انت طول اليوم قاعد تبص يمين وشمال وانت مش حاسس. بتبزل مجهود - [00:11:13](#)

لأنك مشيت على رجلك يوميا تسعين كيلو متر. تسعين كيلو متر انت متخيل يعني ايه؟ عشان كده العضو الوحيد اللي العلماء بيقولوا رحيل زرع العين قالوا لان العين موصولة بالمخ باتنين مليون سلك. اتنين مليون سلك عصبي هيربطوا الاتنين مليون سلك عصبي - [00:11:23](#)

في دول ازاى بيقول لك بصمة العين ادق من بصمة الصابع بتمن مرات. تمن مرات يعني بصمة العين مميزة ما بين كل انسان والتاني في متين وخمسين صفة. بصمة الصابع مميزة في حوالي اربعين صفة بس. يعني حسابان كل حاجة ربنا سبحانه وتعالى حسب كل حاجة. الحسيب حسيب - [00:11:43](#)

كل حاجة في حياتك. نقطة دم واحدة. اللي بينقل دم مش عارف يعني ايه نقطة دم. انت دمك ده خمسين في المية منه بلازما. وخمسين في المية منه خلايا محسوبة. لو زادت - [00:12:03](#)

البلازما او قال لك كان دمك ده يتجلط ويبوس والدنيا تفسد دمك وانت قاعدة دلوقتي فيه خمسة وعشرين الف مليار كرة دم حمرا والا الالف مليار خلية اللي في جسمك ما كانوش يقدرُوا ياخدوا اكسجين. لان كرة الدم الحمرا ده الشيال اللي بيودي الاكسجين من الرئة للجسم ويرجع. دمك فيه - [00:12:13](#)

خمس وعشرين مليار كرة دم بيضا. لو قال له كان اقل ميكروب يموت الانسان. ما يزي يأجوج ومأجوج لما بيموتوا بالنفث كده. لان ما فيش قناعة دمك فيه الف مليار صفيحة دموية. تخيلوا دول لو زادوا. الدم يتجلط في المخ وفي العروق وفي القلب. جلطات قلب ومخ ربنا - [00:12:33](#)

احفزنا نسأل الله اليقين والعافية. والانسان قاعد مكانه. طب لو كان آآ قال له الانسان ينزف دمه كله ما فيش حاجة اي جرح صغير في خلال ثلاث تيام ينزل شف دم الانسان كله والانسان محسوبة. محسوبة بصورة فوق الزهول. يعني ما بعد الزهول بمراحل. كل حاجة في جسمك ربنا حاسبها لك - [00:12:53](#)

جسمك بيكون كل يوم ميتين مليون صفيحة دموية جديدة. متين مليون عشان بعد خمس تيام تموت ويجي اللي بعدها. كل سانية نخاع عظمك بيكون اتنين ونص مليون كرة دم حمرا. يعني انت لو سبحت ربنا اتنين ونص مليون مرة كل سانية يبقى انت بس بتشكر ربنا كده او حمدت ربنا حمدت ربنا بس - [00:13:13](#)

كرة الدم الحمراء هتحيط بايه ؟ ده انت ربنا حاسبها جوة جسمك حسابات تتوه منها العقول. ولا يستطيع احد ان يحيط بها ايدا. ويجي بعد كده ملحدين يقول لك آآ الكون جه كده. والكون جه صدفة الحسيب. اسم الله الحسيب لولاه لهلك الكون. لولاه لضاع الكون - [00:13:33](#)

المعنى التاني اللي هناخده النهاردة في اللقاء ده لاسم الله الحسيب. اللي حسب كل حاجة في حياتك بالسانية كل حاجة في حياتك بالسانية فيه احداث في حياتك. لو كنت موت نفسك عشان ترتبها الترتيب ده او تحسبيه على الحساب ده. مستحيل كنت - [00:13:53](#)

زي ما ربنا قال اذ انتم بالعدوة الدنيا وهم بالعدوة القصوى. والركب اسفل منكم ولو تواعدتم غزوة بدر لاختلقتم في الميعاد. ولكن قضي الله امرا كان مفعولا. لو انت كنت زابط ساعتك وزابط خمسين ما كنتش هتقدر. ما كنتش هتقدر اصلا انك انت تزبطها بالمنزر ده. يعني ما انساش - [00:14:09](#)

الله مرة وانا طالب في الكلية قعدت صليت الفجر في المسجد وقعدت جلسة الضحى وخرجت. وانا في غاية الهم اعمل ايه؟ طب انا

مش عارف اوصل لربنا. طب يا رب اعرف يعني اتعرف على ربنا ازاى؟ قعدت - 00:14:29

واقف قدام النيل كده عندنا في المنصورة مش عارف اعمل ايه من الهم مش قادر اروح حتى. فقلت سبحان الله! مش فيه حديس

مروي عن النبي عليه الصلاة والسلام. ان الواحد يقول حسبي الله لا اله الا هو - 00:14:42

عليه توكلت ورب العرش العظيم سبع مرات. سبع مرات قتلها سبع مرات بس بقلبي. قلت طب انا لما اقول حسبي الله ونعم الوكيل.

يعني هيحصل ايه يعني؟ سبحان الله العظيم! يعني الموضوع بيحتاج معاملة. شوية كده يعني نمت وصحيت لقيت قلبي كده ما

تروح تزور الشيخ يعقوب في القاهرة. فرحت المسجد - 00:14:52

وبته دي كانت اول مرة اعملها في حياتي. اول مرة اعملها في حياتي وممكن ابات برة بيتي في حياتي اصلا. يعني حاجة ما بعملهاش

اصلا في حياتي الا نادرا يعني. فقعدت - 00:15:12

في المسجد فلقيت شاب كده قاعد يكلم اتنين في اخر المسجد فانا قاعد ابص له كده يعني ما ليش دعوة انا قاعد بقى مركز في

القرآن والذكر وباشوف اعمل ايه وقاعد مهموم - 00:15:22

وبعد كده قلت اما تروح تسمعه قعدت قدامه لقيته بيقول كلام عن ربنا عمري ما سمعته في حياتي. وقعد يتكلم عن سيدنا ابراهيم ما

خير بين الله وشيء الا اختار الله - 00:15:32

انا اول مرة في عمري احس ان انا قلبي ساجد تحت العرش. ده مين ده؟ كان الشيخ امين الانصاري. اول مرة كنت اتعرف عليه، واول

مرة كنت اسمع عن ربنا - 00:15:42

حد بيتكلم بالطريقة دي. اللقاء ده كل حياتي بعده غير قبله. حياتي اتغيرت اول ما بدأت اسمع عن ربنا. هو معرفة ربنا جميلة اوي

كده. بدأت بقى اركز في الاسماء الحسنی والاسماء والصفات ومعرفة الله. حسبي الله ونعم الوكيل بعد الضحى. غيرت حياتي. ربنا

حاسبها. طب انا لو كنت رحت - 00:15:52

امين ما كانش بيروح في كل يوم في المهازا المسجد وما كانش بيروح في كل وقت. اللي جمعنا مين؟ اللي رتب لي اللقاء ده مين؟

فيه حاجات ربنا حسبها لك في حياتك - 00:16:12

بالسانية بالسانية دخولي في الدعوة الى الله كان محسوب بالسانية. والله يا اخواني مرة قاعد في البيت وانا متخرج من الكلية في

سنة امتياز فقاعد مهموم وانا اتخرجت وربنا ما استعملنيش في الدعوة. ومتضايق فمن الهم قلت انزل اروح مشوار. انزل اتحرك. انزل

نازل ففيه منزل كده يعني على بعد مية متر من - 00:16:22

فالعربيات بتنزل منه كده العربية بتعدي في سانية في سانية. فواقف لقيت عربية تاكسي جاي شاورت له وقف طلع واحد اخ من

اخوانا في التبليغ والدعوة فيقول لي كان ثاني يوم - 00:16:42

قال لي ده آآ احبابنا في التبليغ قاعدين في مسجد السلام في المنصورة النهاردة المغرب. ما تروح لهم فانا يعني ايه متضايق وما

اعملش حاجة. قلت طب ما يعني هو انت انت يعني انت اصلا كده كده مش عارف تعمل حاجة في الدعوة. رح وشوف الناس

الطيبة الجميلة ديت. استفيد منها - 00:16:52

والله يا اخواني شوفوا يعني انا اصلا لما بافتكر الموقف ده بابكي وانا قاعد بيني وبين نفسي. انا المنزل ده لو كنت نزلت متأخر خمس

سواني ما كانش ده عدى اشمعنى التاكسي ده؟ والاخ ده اشمعنى ده؟ لو كنت بدرت خمس سواني كنت خدت تاكسي ثاني. لو كنت

نزلت متأخر ثلاث سواني - 00:17:11

تاكسي وعدي ضيق نقطة. نقطة والعربيات بتعدي منها في سانية. ربنا حاسبها لي بالسانية. نازل في السانية اللي دا هيعدي فيها.

عشان يقول لي المسجد عشان اروح المسجد عشان اقعد شهرين معهم ليل نهار شغال في الدعوة. اتعلم فن الدعوة الشبابية وانزل

للشباب في الشوارع. وربنا يطلق لسان الواحد في الدعوة - 00:17:31

وكل اللي الواحد عمله بعد كده في حياته في الدعوة الى الله الى هذه اللحظة بسبب هذه اللحظة. اما ربنا يحسبها لك بالسانية. اما ربنا

الواحد لو قعد يفكر في التجارب اللي في حياته - 00:17:51

مش ممكن احد اخواني يعني له واحد قريبه نازل في بلد فماشي بالعربية فواحدة بترش فيه قامت جايهاها على العربية نازل يتشاكل معه يببص لها عجبته بدل ما يروح يتشاكل مع اهلها. راح اتقدم لاهلها واتجوزها. سانية. يعني مين اللي خلى ايدها تغلط وترش فيه عليه؟ وكان ممكن ترش - 00:18:01

على عربية تانية ومين اللي نزل ده في اللحظة دي في البلد دي في الشارع ده في المدينة دي قدام بيت دي بالسانية في حاجات ربنا حاسبها بالسانية. ياما الواحد قابل شباب يقول لي انا انا كنت ضايع انا كنت مش ملتزم. انا كنت رايح اصلا عندي معاد مع استغفر الله العزيم مسلا واحدة في شقة او عندي - 00:18:21

مع شلة سوء في النادي او عندي ميعاد مخدرات وانا جاي اقعد من الشارع حاولت من الشارع اقابله مش عارف ليه اصلا. ولا عمري حودت منه. قابلت واحد قال لي في درس ايماني - 00:18:41

انت حضرت التزمت وتبت بالسانية محسوبها لك. انا فاكر يوم ما الواحد التزم. سبحان الله! كان قصة والله يا اخواني ربنا حاسبها بالسانية. يعني يعني خلصت اخر امتحان في سنة اولى كلية طب وخرجت مش فاكر كان امتحان سيكولوجي ولا كان امتحان ايه بالزبط - 00:18:51

خلصت اخر امتحان وقاعد بقى ماشي بالكلية والواحد كان زمان بيبقى مهموم قوي ليه ؟ عايز التزم ومش عارف عايز اقرب من ربنا ومش عارف. فقاعد الف في الكلية مش عارف بقى اروح فين فقاعد - 00:19:07

اطلع وانزل والف وهاروح اعمل ايه ؟ يعني يعني فقمتم طالع فنازل بعد ما كل الكلية مشت. الناس كلها مشت والاقسام قفلت. وكنا بقينا العصر كده او بعد العصر والاقسام قفلت فانا نازل وانا خارج لقيت شاب معدي. الله يرحمه بقى يا صاحبي بقى دكتور شريف اه اه الدكتور تخدير مات وما بين عمليتين نزل يريح في - 00:19:17

بتاعته في سكن الاطباء مات الله يرحمه. ده كان سبب التزامي. فانا قابلته فقال لي ده فيه تحفيز قرآن. ما تيجي. تحفيز قرآن! قال لها قلت له للاطفال ولا للكبار؟ قال لي - 00:19:37

للكبار ده بدأ ولا لأ هبدأ النهاردة اتشجعت ورحت نمت نص ساعة كنت مطبق وقمت رايح انا ايه اللي خلاني الف في الكلية عشان وانا نازل الخارج يقابل ده ايه اللي خلاني اتأخر عشان يا جماعة الواحد لما بيفتكر اكبر احداث في حياته واطخر احداث في حياته اللحظة اللي دخلت فيها الدعوة اللحظة اللي دخلت فيها التربية - 00:19:47

اللحزة اللي قابلت فيها فلان وفلان اللي حياتي مشت بعد مقابلته باختلاف تماما. اللحظة والله يا اخواني بالسانية. اول مرة الواحد طلع في الفضائيات الموقف اللي حصل في الطريق عشان اوصل في اللحظة الفلانية. لو كنت وصلت قبلها ما كنتش بقت زي ما وصلت في اللحظة دي. لو كنت اتأخرت كان في حاجة راحت - 00:20:09

قامت مين اللي مزبطها لك؟ مين اللي مزبط لك حياتك بالاستوب ووتش؟ مين اللي مزبط لك حياتك بالسانية وجزء من السانية والقيمتو سانية؟ ربنا سبحانه وتعالى رقبتي حياتك كده فتشي عن الحسيب في حياتك. فتش عن الحسيب في حياتك. دور ربنا حسب لك رزقك ازاي. ربنا جاب لك اللي انت كنت محتاجه - 00:20:29

بالزبط ازاي استيكر لما طلعت المتين جنيه وجالك بالليل الفين جنيه ما انساش واحد صاحبي استاز في كلية طب استاز جراحة قال لي انا طلعت امبارح آآ خمسيت جنيه تقريبا آآ قال لي فجاء لي اربع تلاف وخمسمية جنيه بالليل. فقلت لسة خمسمية جنيه - 00:20:49

قال لي كنت بقابله قال لي انا كنت متأكد ان لسة فيه خمسمية جنيه لانها عشر اضعاف. جولوا بعدها من وجه ثاني كان لسة بادئ حياته. فمين فتش عن الحسيب في - 00:21:09

حياتك. فتشي عن الحسيد في حياتك احسبها. احسبها في الصح بقى. مش هاحسبها في الغلط. فكر كده ربنا حسب لك حياتك زي حياتك مشت ازاي افكر المواقف اللي كانت بالسانية محسوبة. افكر رزقك ازاي جا لك. افكر مصالحك. ازاي مشت. مين اللي زبط لك حياتك. مين اللي حسبها لك - 00:21:19

المنزرد مبن حياتك ماشية متهندسة ازاي ؟ محسوبة بالمنزرد ده ؟ احنا كده يا جماعة بازن الله سبحانه وتعالى وصلنا لنهاية اسم الله الحسيب. عايز الم لكم تسع معاني بقى بسرعة بتاعة اسم الله الحسيب. لانها انتشرت في الخمس حلقات. عايز المها لكم بسرعة جدا جدا جدا. في نص دقيقة بالزبط بازن الله سبحانه وتعالى. المعنى الاولاني - 00:21:39

اني للحسيب الكافي. انت مش لوحذك اللي مش هيسيبك لوحذك. ابدا وقالوا حسبنا الله كفاية علينا ربنا لو الدنيا كلها باعتنا واتخلت عنا يبقى الكافي اللي مش هيسيبك. ولا هيتخلى عنك وانت مش لوحذك اسم بيديك قوة. المعنى الثاني اللي بيحسب لك كل حاجة. اللي هي عبادة الاحتساب - 00:21:59

اطمن اطمئن كل حاجة محسوبة عند ربنا. ما فيش حاجة هتضيع عند ربنا. ان الله كان على كل شيء حسيبا. اطمئن. المعنى الثالث اللي بيحسب عليك كل حاجة. اللي ما فيش سيئة ما اتحسبتش. كل حاجة اوعى تظن ان في حاجة جملة وتفصيل اتسابت او راحت عند ربنا يعلم - 00:22:19

الاعين وكفى بنا حاسبين. المعنى الرابع اللي بيغمرك بالعطاء جزاء من ربك عطاء حسابا. حسابا يعني يفضل بيدك لحد ما تقول كفاية خد كمان كمان كمان اللي بيغمرك بالعطاء المعنى الخامس. اللي وفر عليك حسابات كتير قوي في حياتك. انت تاعب نفسك بالحساب - 00:22:40

ومدمر نفسييتك بالحسابات والدنيا مش ماشية بحساباتك خالص. حزنك وهم وخوفك وهم وقلقك وهم. الدنيا مش ماشية بمعاييرك اصلا ولا هتمشي بمعاييرك والله يا اخواني. الواحد لما وانا باقول لكم الكلام اللي باقوله دا وازاي ان كان لحزة دخولي في الدعوة محسوبة بالسانية امال انا قعدت عشر سنين قبلها عندي اكتئاب ليه ؟ لان انا - 00:23:00

ولحزة التزام الواحد محسوبة بالسانية ولحزة طب شلت همي ليه ؟ لما ربنا حسبها لك. هي لها معاد هتيجي فيه. هتيجي فيه احد اخواني شاف يعني كان هيموت عشان يتجوز شاف سفينة فيها واحدة كده وحد بيقول له يعني ايه الجاية يعني ايه رزقك جاي - 00:23:20

هي جاية في معاد. ما تقلقش الفرج جاي في معاد. يبقى المعنى الاولاني الكافي اللي انت مش لوحذك. المعنى الثاني اللي حسب خد كل حاجة. المعنى الثالث اللي حسب عليك كل حاجة. المعنى الرابع اللي غمرك بالعطاء. المعنى الخامس اللي وفر عليك الحسابات بتاعة حياتك. حساباتك كلها غلط. يبقى انت - 00:23:40

تسلم بقى للحسابات الصح واحسبها صح بالكلام اللي ربنا قاله لك. المعنى السادس اللي حسب كل شيء في الكون. وكل شيء في جسمك اللي كل حاجة في الكون محسوبة. محسوبة ان كل شيء خلقناه بقدر وقدر في السرد. الشمس والقمر بحسبان. كل شيء محسوب من الزرة للمجرة - 00:24:00

المعنى السابع المعنى السابع اللي حسب كل شيء في حياتك محسوبة بالثانية رزقك كل حاجة في حياتك محسوبة. رزقك اجلك عدد انفاذك. رزقك جاي امتي ؟ الفرج جاي ازاي ؟ كل حاجة ربنا حاسبها لك بالسانية. شاييل همي ليه - 00:24:20 ليه شاييل هم ربنا سبحانه وتعالى بيرتب لك ولو توعدتم لاختلتم المعنى التامن اللي حاسب كل حاجة على كل زالم ومجرم يرسل عليها حسبانا. العقوبة محسوبة على حسب الجريمة. يرسل انما - 00:24:40

اللي حاسب كل حاجة على كل زالم ومجرم مش هيعدي. المعنى التاسع المعنى التاسع المعتمد الوحيد حسبي الوحيد الحسيب. حسبي الوحيد. اي واحد هتقول ده حسب ونسب ممكن الحسد ده يموت في اي لحزة. ولا يبقى الا الله سبحانه وتعالى الحسب الوحيد - 00:24:55

الوحيد اللي تعتمد عليه بجد. المعنى العاشر الوحيد اللي تعمل حسابه في الحياة الوحيد اللي يتعمل حسابه وكفى بالله حسيبا. الذين يبلغون رسالات الله ويخشونه ولا يخشون احدا الا الله. وكفى بالله حسيبا. ما تعملوش حساب حد - 00:25:15

الا ربنا وفي نفس الوقت هو كفى بالله حسيبا مش هيسيبك يا ايها الداعية لو الناس كلها اتخلت عنك مش هيسيبك لوحذك هو حسبك ونعم الوكيل بالله حسيبها الوحيد اللي المفروض يتعمل حسابه. ما تعملش حساب حد غير ربنا في الحق وفي الدين. وفي ارضاء الله

سبحانه وتعالى. اسم جميل قوي. اسم بيقويك واسم - 00:25:31

بيفرحك واسم بيحررك كفى بالله حسيبا. اتحرر بقى من العبودية للناس والخوف من الناس. واسم بيشوقك للسواب. واسم بيعززك هو المعتمد الوحيد تزل نفسك لغيره ليه؟ اسم جميل واسم عظيم. واسم كل نور عشنا معه خمس حلقات. فضل ومنة الله سبحانه

وتعالى. اسأل الله ان ينفع - 00:25:51

انا باسم الله الحسيب. اسأل الله ان ينور قلوبنا بنور اسم الله الحسيب. اسأل الله باسمه الحسيب. اسأل الله باسمه الحسيب. ان جعل

القرآن العظيم ربيع قلوبنا ونور صدورنا وجلاء احزاننا وذهاب همومنا. اللهم اكفنا ما اهمنا. اللهم اشفنا - 00:26:11

من كل مرض وداء. اللهم انا نسألك اليقين والعافية. اللهم اكفنا بحلالك عن حرامك. واغننا بفضلك عن سواك حسبنا الله ونعم الوكيل.

ونعم المولى ونعم النصير. سبحانك اللهم وبحمدك. اشهد ان لا اله الا انت استغفرك - 00:26:31